



REPUBLIKA E KOSOVës / REPUBLIC OF KOSOVO	
AGJENCIA KUNDËR KORRUPSIONIT / AGENCIJA PROTIV KORRUPCIJE / ANTI-CORRUPTION AGENCY	
Dep. 2-D/DPK	Nr Prot. 01-2717/13
Dep. 03	Br Prot. 01-2717/13
Nr. Ura	Data 09.09.2013
Broj stranica	Dat.
Nr. pages	



Republika e Kosovës Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI - CORRUPTION AGENCY

Duke u bazuar në nenin 11 paragrafi 1.1, nenin 5 paragrafi 1.5 të Ligjit (nr. 03/L-159) për Agjencinë kundër Korrupsionit, nenin 18 paragrafi 4, 8 dhe 12 të Ligjit (nr. 04/L-051) për Parandalimin e Konfliktit të Interesit në Ushtrimin e Funkcionit Publik, si dhe nenin 26 të Rregullores së Punës të Agjencisë kundër Korrupsionit, Drejtori i Agjencisë kundër Korrupsionit me datë 06.09.2013 nxjerr këtë:

V E N D I M

- I. Ekziston konflikti i interesit në rastin (nr. AKK -03-1896/13), për z. Eset Ujkani, zv. Menaxher në "Trepça", Ndërmarrje shoqërore nën administrim të Agjencisë Kosovare të Privatizimit, Këshilltar Komunal në Asamblenë Komunale në Mitrovicë, dhe person i autorizuar në një ndërmarrje private.
- II. Agjencia do të kërkoj nga institucioni ku zyrtari i lartë ushtron funksionin që të filloj procedurën për shkarkimin e tij.
- III. Agjencia do të kërkoj fillimin e procedurës për Kundërvajtje nga Gjykata kompetente.
- IV Të gjitha vendimet që i nxjerr Agjencia lidhur me konfliktin e interesit bëhen publike ne ueb faqen zyrtare të Agjencisë.

A r s y e t i m

I. Bazuar në Ligjin për Parandalimin e Konfliktit të Interesit në Ushtrimin e Funkcionit Publik (nr.04/L-051), neni 18 paragrafi 1 dhe 3, si dhe në bazë të Vendimit (nr.03-1896/13), është hapur rasti nën dyshimin e bazuar për Konflikt Interesi për zyrtarin e lartë, z. Eset Ujkani – zv. Menaxher në "Trepça", Ndërmarrje shoqërore nën Administrim të Agjencisë Kosovare të Privatizimit, këshilltar komunal në asamblenë komunale në Mitrovicë, si dhe funksionin si person i autorizuar në ndërmarrjen private "Itt servis" në Mitrovicë.

Me datë 10.07.2013 zyrtarit të lartë i është bërë shkresa e parë njoftuese (AKK-DPK-031896/13) me të cilin Agjencia ka njoftuar atë se ka filluar hetimin lidhur me dyshimin e bazuar për situatën konflikt interesit në ushtrimin e funksionit publik.

Pas kësaj shkrese zyrtari i lartë është paraqitur në Agjenci në takim me datë 31.07.2013, në këtë takim është bërë ballafaqimi i fakteve që posedon Agjencia në të cilin takim është njoftuar me fakte se zyrtari i lartë z. Eset Ujkani është zv. Menaxher në Trepça- Ndërmarrje shoqërore nën Administrim të Agjencisë Kosovare të Privatizimit, këshilltar komunal në asamblenë komunale në Mitrovicë, si dhe ushtron funksionin si person i autorizuar në një ndërmarrje private “Itt Servis”, funksione këto që janë në papajtueshmëri dhe sjellin në situatë të Konfliktit të Interesit në ushtrimin e funksionit publik duke u bazuar në ligjin për parandalimin e konfliktit të interesit në ushtrimin e funksionit publik (nr.04/L-051) neni 16.1 në të cilin shprehimisht thuhet:

“Zyrtari i Lartë publik nuk mund të jetë menaxhues ose anëtar i organeve menaxhuese në organizata fitimprurëse dhe jo fitimprurëse, përjashtuar subjektet politike dhe rastet kur një funksion i tillë i dedikohet për shkak të funksionit”.

Ushtrimi i funksionit si person i autorizuar në biznes privat “Itt servis” bie ndesh me ligjin për Parandalimin e Konfliktit të Interesit në Ushtrimin e funksionit publik (nr 04/L-051) konkretisht neni 15 paragrafi 1, i cili shprehimisht thotë:

“Zyrtari i lartë nuk mund të jetë menaxher anëtar i ndonjë organi menaxhues apo kontrollues i ndërmarrjeve private”.

Ushtrimi i njëkohësishëm i këtyre funksioneve paraqet papajtueshmëri dhe përbënë – Konflikt Interesi në ushtrimin e funksionit publik.

Prandaj konform këtij neni, zyrtari i lartë është këshilluar nga zyrtarët e agjencisë për atë se qka është konflikt interesi në ushtrimin e funksionit publik, mënyrën se si duhet parandaluar atë, si dhe mënyrën se si duhet shmangur situatën e konfliktit të interesit në ushtrimin e funksionit publik.

Edhe përkundër afatit të dhënë ligjor nga Agjencia, zyrtari i lartë nuk ka ndërmarrë asnjë veprim që të parandaloj dhe të shmangë këtë situatë, prandaj me datë 07.08.2013 i është bërë shkresa e dytë që quhet “Njoftim Paralajmërues”(AKK-1/2013) me të cilën nga zyrtari i lartë është kërkuar që brenda afatit të dhënë ligjor të ndryshoj këtë gjendje, mirëpo edhe pas kalimit të afatit ligjor nuk ka ndërmarrë asnjë veprim konkret për të ndryshuar situatën me konflikt interesi në ushtrimin e funksionit publik.

II. Në rast se personi zyrtar i lartë vazhdon të kryej aktivitete apo funksione të papajtueshme sipas këtij ligji, pavarësisht nga paralajmërimi i Agjencisë, atëherë Agjencia i kërkon institucionit ku zyrtari i lartë ushtron funksionin që të filloj procedurën për shkarkimin e tij, neni 18 paragrafi 8.

III. Sipas Ligjit për Parandalimin e Konfliktit të Interesit në Ushtrimin e funksionit Publik (nr.04/L-051) Neni 20, pika 1, çdo shkelje e detyrimeve të përcaktuara me këtë ligj kur nuk paraqet vepër penale, paraqet kundërvajtje dhe dënohet me gjobë sipas kufijve të përcaktuara në paragrafin 1.1, 1.2 dhe 1.3.

Sipas nenit 20 pika 2, “Për shkelje të detyrimeve të përcaktuara me këtë ligj zyrtari i lartë publik, udhëheqësit apo drejtuesit të institucionit udhëheqës përveç dënimit gjykata mund ti shqiptoj edhe masën mbrojtëse; ndalimi i ushtrimit të funksionit publik në kohëzgjatje prej tre (3) muaj deri në një (1) vit”.

IV. Andaj u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik
- Drejtorit të DPK-së
- Shefit të divizionit
- Zyrtari përgjegjës


z. Hasan Preteni
Drejtor i Agjencisë kundër Korrupsionit